

欽定剿平粵匪方略

欽定勦平粵匪方略卷三百三十二 癸亥年

二年正月初四日

辛亥

都興阿奏言各幫師船來

江年久多有拆爛不堪駕駛亟應裁撤以節糜費惟水師之餉積欠甚多紅單船一項船價勇糧有欠至二十餘月三十餘月者既已裁撤必應補給舊欠應由糧臺造冊咨交兩廣總督補發並先由江蘇巡撫籌給一月口糧俾作盤川

回粵其所裁拖舂等船向由江南雇募應由蘇  
撫酌給遣散臣擬派參將李新明督同廣東師  
船回粵將欠餉守領散放以期覈實惟此次遣  
撤員弁兵勇人數衆多非派大員統帶不足以  
資彈壓相應請

旨飭派總兵陳國泰統帶回粵以專責成船隻旣撤  
江防須妥爲布置吳全美擬於上下游分設統

領四員平時各顧地段有事互相策援如該地段有盜匪搶劫惟該統領是問其一切調度仍由吳全美酌度緩急情形分布調撥並派總兵李起高統領新造各營之長龍礮划隨同吳全美駐紮瓜州居中策應其廣東新船來江未久亦經吳全美嚴加約束立定營規責令各統領申明紀律禁絕騷擾並令按期操演務期各成

勁旅奏八

上命議政王軍機大臣傳諭曾國藩都興阿晏端書  
李鴻章曰紅單各船欠餉係萬不可緩之需著晏  
端書照數補發並著曾國藩李鴻章先行飭司籌  
給一月口糧俾作回粵路費其拖留各船迅速籌  
給前欠以資遣散所有裁撤廣東師船著都興阿  
飭令李新明督同回粵將欠餉守領散放以期覈

實並著責成統帶回粵之陳國泰將船戶夫役人等妥爲彈壓照料免致沿途滋事現在逆賊時思紛竄江防極關緊要都興阿所奏按段分撥防守情形布置尙屬周妥卽著照所擬督飭吳全美李起高等嚴密防範互相策應以期得力廣東新到師船尙須訓練並著吳全美責令各統領嚴申紀律勤加操演

同日李鴻章奏言據報署浙江總兵勒伯勒東  
由上虞分道進攻紹興府城帶隊直薄城下槍  
礮互轟斃賊不少詎該總兵親放大礮藥多礮  
炸致傷頭頂登時殞命並傷外國兵頭范夫哈  
格齡二員洋兵密楷爾密蓋爾二名查勒伯勒  
東本係法國兵官自權授中國總兵感沐

聖恩益加奮勉茲以急取紹城親燃巨礮臨陣傷亡

實屬效忠盡命應請

飭部從優議卹其兵頭范夫哈格齡等請一併議卹  
以慰忠魂奏入

上諭內閣曰總兵勒伯勒東進攻紹興親放大礮藥  
多礮炸致傷頭頂登時殞命雖非陷陣捐軀實係  
歿於行間與陣亡無異著交部從優議卹仍著李  
鴻章飭屬妥爲營葬以慰忠魂其同時陣亡之范



夫哈格齡等著一併交部議卹

初五日

壬子

曾國藩奏言恭奉

諭旨以金陵逆賊有投誠之信飭令酌辦一節查金陵一城袤延百里之遙我軍分屯雨花臺僅扼城南其東西北三面並未合圍詎能制賊死命目下僞忠王雖潛回蘇州而金陵城外各賊壘均置嚴密並不少懈僞侍王一股又窺伺太平

金柱專圖進取各路賊勢尙未窮蹙遠冀其獻  
城乞降酌理準情未敢憑信至自拔來歸不得  
妄加殺戮臣亦曾納降數次未敢輕於屠殺此  
次欽奉

諭旨尤當嚴禁軍士私取財物申明約束以導向化  
之路又奉

諭旨飭令壽州防兵未可輕動並

聖詢苗練是否不至另生枝節臣查苗黨擄殺湘軍  
樵採勇夫變端漸開時僧格林沁正撫苗勦捻  
給以餉項苗黨則痛詆楚師大肆簸弄臣恐因  
勦撫兩歧以致南北不和適值北岸和含巢三  
城並陷遂將壽正防軍撤出騰挪赴援明示以  
坦然不疑正冀其幡然自悔現在事隔兩月該  
練尙無據城以叛之跡或者感北軍撫馭之恩

無湘勇偏處之嫌不致更生他變如果反覆無常逆跡明著臣與李續宜之兵自度剿髮匪則不足制苗練則有餘不足深慮又奉

諭旨垂詢楊岳斌彭玉麟二員中能否派撥一員駛赴下游江面駐紮防剿臣查楊岳斌防剿金柱關以備東壩駛山之賊船彭玉麟駐守裕溪口以備巢湖竄出之賊股且下自金陵上至九江

節節皆有節船設防上游方戰爭不息實不能  
移紮下游江面奏入

上命議政王軍機大臣傳諭曾國藩曰據奏籌畫各  
情均屬周至金陵賊未窮蹙勢難冀其乞降第以  
脅從罔治爲從來辦賊所當然其中如有自拔來  
歸者該大臣自必能嚴禁屠戮網開一面壽正防  
軍之撤原屬移緩就急且可示苗練以不疑現在

該練尙無據城以叛之跡或因僧格林沁之軍勦  
捻亳州相離尙不甚遠自足以資控制惟將來僧  
格林沁一移他處則壽正一方苗練無所鈐束勢  
必又生枝節該大臣等總宜豫爲之所設法散其  
黨與使日後不能再有反側方爲妥善李續宜疊  
經催令速赴署任曾國藩仍應遵旨函加敦促毋  
任稽延其所稱上游水師楊岳斌等各備巢湖東

塌之賊不能移紮下游江面自屬實在情形均著  
如所奏辦理

十一日戊午李鴻章奏言查常昭被圍降衆堅守

臣曾派常勝軍乘輪船由上海前往助剿俟行  
抵福山原擬換用小船上岸詎該軍未到以前  
江陰楊庫大股賊匪繞竄福山分布各口阻我  
進路臣復商請署提督黃翼升統帶水師出洋

協助並派編修劉秉璋督催常勝軍五百七十人添調輪船一隻仍赴福山各口會同黃翼升等相機攻奪要口以期直達常熟臣先密派守備劉增壽馳赴常昭探信該弁回報潛入賊館親見僞忠王等帶領賊衆晝夜分門攻擊自被圍後周興隆駱國忠兩將分駐城頭及城西虞山固守賊中傳言官軍進攻太倉僞暮王又率



大股赴太協守臣聞信卽飭總兵程學啟親督八營進紮太倉崑山交界之望仙橋安亭等處總兵郭松林亦督八營進紮太倉南路之外岡鎮李鶴章復帶五營由嘉定繼進臣又檄調副將姜德梁安邦等進六渡橋等處又令奧倫李恆嵩帶常勝軍二千餘人由松江徑趨太倉據報各軍行抵外岡業與程學啟李鶴章會商進

勦部署已定忽大雨如注連日不止寸步難行  
常熟望救之切勢難久待稍霽卽當併力進戰  
如可攻克太城卽與福山一軍前後聯絡冀牽  
援賊之勢而結降衆之心奏入

上命議政王軍機大臣傳諭都興阿富明阿李鴻章  
曰常昭被圍周興隆等分駐固守儻被圍日久援  
兵不至恐降衆不能堅守又復從賊以後更難著

該撫現派程學啟等進紮太崑交界之望仙橋等處並派常勝軍等徑趨太倉務將太倉先行攻拔與福山一軍前後夾勦方可牽援賊之勢而解常昭之圍江陰之賊統轄福山並著督令黃翼升統帶水師協勦並派令劉秉璋等督催常勝軍添調輪船迅赴福山各口攻奪要隘力遏賊氛都興阿亦卽飭令吳全美等派撥師船會合夾擊富明

阿旣赴下游查看卽著隨時相機策應毋稍貽誤  
李鴻章又奏言審明已革前署藩司候補道蔡  
映斗於省城失守時實係率勇巷戰因衆寡不  
敵勇丁傷亡殆盡蔡映斗被賊用矛戳傷左髀  
墜馬適參將羅大春帶兵趕至將賊衝散出城  
擡上礮船赴滬求援時管帶礮船之知縣厲學  
潮等俱各目擊情形委無棄城潛逃情事查例

載守備不設被賊攻陷城池同城知府比照守  
邊將帥被賊侵入境內擄掠人民律發往邊遠  
充軍等語此案已革前署藩司候補道蔡映斗  
於逆賊攻陷蘇城時率勇巷戰遇救得生雖與  
棄城潛逃者有閒第省城既失實屬守禦不力  
應請比照守備不設被賊攻陷城池同城知府  
照守邊將帥被賊侵入境內擄掠人民發邊遠

充軍例上從重發往新疆效力贖罪事犯雖在  
恩赦以前係失守城池案內擬發新疆應請不准減  
免奏入

上諭內閣曰據李鴻章奏稱已革署藩司蔡映斗於  
逆賊攻陷蘇城時巷戰受傷應比照從重問擬發  
往新疆效力贖罪事犯雖在恩詔以前不准援免  
等語著刑部覈議具奏

十三日庚申左宗棠奏言自官軍進攻龍游湯溪

全浙之賊亦併力西趨堅圖抗拒湖紹兩郡賊首偽戴王等各率其黨屬聚金華自城西連營數十里其新昌嵯縣諸暨浦江各縣之賊與蘭谿踞匪會合亦連營數十里十一月十三至十二月初十等日龍游各營截擊城壘潛出之賊約共斃賊數百名其蔣益澧劉典各軍圍攻湯

溪蘭谿等處自十一月二十二至十二月二十一日一月之中屢有擒獲官軍因攻壘未下亦有傷亡現在龍湯之賊接濟早斷勢雖久存惟局勢有不容不慮者賊勢西趨雖圖解龍湯兩城之圍然其詭計則似恐官軍由西而東日進日偏妄思乘閒西竄爲出死入生之謀現在甯波官軍漸偏曹娥江距紹興府城僅五十里而



該逆未嘗回顧是其注意西竄已可概見臣軍  
以江皖爲後路蘭谿之賊可由壽昌開道出常  
山而入江亦可由遂安而入皖金華之賊可由  
松陽遂昌出江山以入江亦可由龍泉以入閩  
此數縣者斷難任其侵軼惟有勉力圖維隨時  
咨商閩浙督臣江西撫臣力保完善之區奏入  
上命議政王軍機大臣傳諭左宗棠曰據奏官軍圍

攻龍游湯溪兩城截勦金華蘭谿援賊壘獲勝仗  
現籌辦情形著左宗棠督飭蔣益澧劉典等軍  
乘勝攻拔毋稍鬆勁該逆等注意西竄欲抄官軍  
後路不可不嚴爲防範常山江山等處路路可通  
著卽飛飭閩浙總督江西巡撫一體派兵嚴防左  
宗棠亦應豫爲部勒於賊竄江皖道路嚴密布置  
毋任乘閒竄突甯波官軍漸偏曹娥江該逆等未

必不分兵回援該撫務當激勵中外各軍實力進剿以牽賊勢

左宗棠又奏言乍浦副都統傑純爲人忠直壯烈出於性生成豐十年三月杭城已陷旋即克復實傑純力戰之功其時傑純長子訥蘇鏗死於陣前傑純未嘗回顧解嚴後日以練兵習戰爲事十一年九月大股逆賊復圍杭州城外六

橋等仗斃賊甚多皆傑純血戰之力二十八日  
杭城陷時傑純退守內城與賊巷戰於花市營  
右肩左髀均爲槍礮洞傷力竭捐軀闔室舉火  
自焚實屬可嘉可憫應請

飭部照都統例從優議卹並懇

予諡宣付史館立傳在杭州乍浦建立專祠以昭忠  
節其前次殉節之長子誦蘇鏗及此次同殉之

子婦鈕祜祿氏赫舍哩氏孫六品藍翎匠役崇  
綸等懇

懇分別旌卹並附入傑純專祠之處伏候

聖裁次子固魯鏗係江蘇補用直隸州知州聞現赴  
京師可否交吏部帶領引

見奏八

上諭內閣曰乍浦副都統傑純忠烈一門可嘉可憫

著加恩照都統例從優議卹准其子諡並將死事情形宣付史館於杭州乍浦建立專祠伊長子訥蘇鏗子婦鈕祜祿氏等均著分別旌卹並附入傑純專祠伊次子江蘇補用直隸州知州固魯鏗著該部帶領引見以示篤念忠藎至意

左宗棠又奏言已革候補總兵羅大春於道光二十九年隨征粵西疊次打仗出力洊擢總兵

上年六月克復嚴州戰功亦著繼因各軍潰退  
該革員固守嚴州八十餘日糧盡被陷始率所  
部進援杭城迫杭城事急總兵況文榜受傷前  
撫臣始檄該革員接統其軍時距杭城之陷僅  
二日耳以爲法受過而論固屬法無可寬以原  
情定制而言實則情有可恕昨據嚴州士民稟  
請該革員留帶團練臣察其情詞極爲真切查

該革員年力精壯膽技尙優可否仰懇

天恩准將已革總兵羅大春暫行留營差委奏入

上諭內閣曰已革總兵羅大春著加恩准其暫留左  
宗棠軍營差遣以觀後效儻再不知愧奮卽著從  
重治罪

左宗棠又奏言署仁和縣知縣吳保豐富當杭省  
被圍時隨同守城城陷與賊巷戰在板兒巷地



方中槍墜馬罵賊不屈遇害家丁李升潛爲收  
葬臣訪悉該員平日居官廉謹死事最烈仰懇  
天恩准將知州銜署仁和縣知縣吳保豐照知州例  
議卹入祀杭州昭忠祠以慰忠魂奏入

上諭內閣曰知州銜署仁和縣知縣吳保豐著照知  
州例交部議卹並准其入祀杭州昭忠祠

左宗棠又奏言壽昌失守時前撫臣王有齡派

參將王浮龍帶奮武軍一千名赴蘭谿防堵仍  
歸張玉良節制張玉良將該參將之兵分爲三  
起以三百守蘭城以三百守界址嶺祇留四百  
名交王浮龍帶駐小方嶺以扼壽昌之衝至蘭  
谿失守張玉良之兵先退嚴州王浮龍腹背受  
敵仍率數百人會同團練於小方嶺屢次殺賊  
至賊衆讜聚勇團俱潰王浮龍猶縱橫血戰卒

以衆寡不敵力竭捐軀其時蘭谿河西百姓全  
未遷移幸王浮龍以孤軍捍禦十餘日居民奔  
避他鄉不死於賊上年蘭谿團練與張玉良兵  
勇構釁自相戕殺惟王浮龍所部獨與百姓相  
安百姓見其號衣腰牌無不互相救護其感人  
之深如此惜其先未能以專任而盡其長繼以  
分兵而孤其勢卒致身殉其死事情形前撫臣

未及奏報應懇

天恩准將參將王浮龍照參將陣亡例議卹奏入得旨王浮龍著照參將陣亡例交部議卹

十五日壬戌都興阿奏言據探常州逆匪押令塘

南各鄉打造鐵練數千條又辦麻繩四萬條製火藥綫一千條欲於正月分股攻撲鎮江如江北兵勇過江救護卽乘虛由餘塘等處過江取

辦鐵索等件意在燒船暗渡江北直犯靖泰僞  
護王等帶賊二十萬已抵金陵之溇化溪聲言  
由下關渡九洲大股下竄儀揚從邵伯直撲  
裏下河等語查該逆詭詐百出垂涎裏下河各  
屬已非一日我軍防範刻不容緩惟地勢寬廣  
兵力較單現已飛咨曾國荃趕將前次赴援各  
營兵勇剋日撥回原防以資分布再據曾國荃

函稱道員毛有銘一軍由無爲州進扼草鞵街  
以堵巢縣賊之來路提督銜蕭慶衍一軍會同  
彭玉麟水師攻破運漕賊壘五座破浮橋二道  
又破銅陵牯三卡三壘殺賊無遺毛有銘軍又  
勦芙蓉嶺之賊大勝追近巢縣查此股逆匪若  
爲楚軍截敗勢必糾合渡江下竄儀揚出我不  
備臣等已通飭水陸各軍晝夜嚴防靜以待動

同日富明阿奏言臣由揚起程沿途查得南岸自金山至石牌港共要口二十四處均經都興阿於各口排釘木樁並派師船防守北岸自瓜州至營船港共要口二十二處亦皆布置聯絡南北聲息相通無虞偷渡惟丹陽縣屬之太平洲相其地勢正爲下游要隘洲長九十餘里寬一二十里不等雖有師船民團在彼防守而地

當扼要若無重兵堵禦恐一爲賊踞下游江路  
不通又將如九洑洲之爲害不得不豫爲隄防  
當卽派撥師船前往該處駐紮至靖江江面與  
江陰相離不過四五里南岸屯賊甚衆尤爲喫  
緊前經都興阿與臣飭派總兵郭定猷等沿江  
防守嗣又添派總兵李起高等帶領礮船下駛  
該處防剿共計師船一百餘隻臣行抵靖屬八



圩港卽赴南岸察看形勢面諭郭定猷李起高等認真嚴密巡防毋使一賊偷渡並隨時相機進剿旋抵通境察看通海福山江面寬至九十餘里北岸水師礮船聲氣聯絡並有狼山各營水師礮船經總兵泊承陞按口布置尙合機宜已諄飭各師船務須一體加意嚴防通州防兵團練亦經泊承陞等布置妥協但得始終不懈

足資防守復由通州前往裏下河一帶沿途訪  
察民情甚爲安恬宵小亦皆斂跡均奏

上命議政王軍機大臣傳諭會國藩都興阿富明阿  
馮子材魁玉曰賊匪情形甚爲叵測大江南北均  
形喫緊鎮江爲濱江要郡馮子材等扼守數年頗  
著威望著該提督探明賊蹤所向奮力擊勦毋稍  
疏懈會國荃大營甫臻安穩該逆大股已抵涇化

溪雖聲言欲竄裏下河難保非聲東擊西著曾國藩轉飭曾國荃加意防範都興阿因江防緊急已咨曾國荃將前次赴援各營兵勇剋日撥回原防並著飭曾國荃察看情形先其所急酌量妥辦該逆窺伺裏下河已久此次大股復圖北犯尤當加意防堵上年三月間賊匪渡江北竄經都興阿督軍擊退至今朝廷尙念其前功諒該將軍成謀素

裕必能計出萬全上游和巢官軍擊賊獲勝將來賊勢不支必回竄渡江儀揚等處必應豫備不虞著該將軍會同富明阿隨時探明刻刻防範毋任紛竄富明阿查看江而已竣布置均尙妥協該都統夙諳戎機於江北地方情形亦極諳練如下游靖泰等處喫緊卽著富明阿親自前往調度威望旣崇賊匪自能震懾也

富明阿又奏言臣途次查得沿江各港口及裏  
下河一帶南北臺設立捐卡大小約有百餘處  
有一處而設數卡者有一卡而分數局者委員  
既繁局費必濫臣細加諮訪有沙漫洲釐捐委  
員候選知府嚴邈又收江販淮販釐捐委員候  
補知州彭蘊括均係聲名狼籍爲公論所不容  
相應請

旨將嚴邈彭蘊括卽行革職以爲貪婪者戒其有無  
侵吞情弊及捐卡可否歸併暨裁汰冗糜之處  
一併請

旨飭下署漕運總督吳棠督飭糧臺破除情面認真  
整頓以期涓滴歸公奏入

上命議政王軍機大臣傳諭吳棠曰釐捐爲江北軍  
餉所賴沿江各港口釐卡紛歧前已屢次被人叅

奏諭令吳棠嚴行裁汰現經富明阿赴裏下河目  
視情形據實具陳其爲積弊已可概見亟應歸併  
裁汰以蘇民困江南紳士大半避居江北以釐卡  
爲謀食之所其牟利肥己者斷不止嚴邈彭蘊括  
二人著吳棠嚴查各卡委員如有侵吞情弊卽行  
據實叅辦不准再有瞻徇至各處捐卡應如何歸  
併及裁汰冗糜之處並著悉心妥辦總期涓滴歸

公以裕餉源

上諭內閣曰江蘇管理沙漫洲釐局委員候選知府  
嚴邈管理江淮販運釐局委員候補知州彭蘊括  
聲名狼籍貪鄙不職均著卽行革職永不准其干  
預捐局事務並著吳棠查明該革員等如有侵蝕  
情弊卽行從嚴叅辦

十七日

甲子

馮子材魁玉奏言據諜報蘇州踞賊



製備翎頂號衣假扮官兵遣黨四竄復調常蘇  
髮逆五六千衆來丹陽屯紮糾約上犯金柱關  
僞懷王率賊三萬餘人竄踞句容之北門菽塘  
地方僞德王率黨在東昌街打館窺伺鎮營西  
南兩路丹陽踞逆分竄鎮防之東糾合陴城之  
賊擾及大港孩溪一帶縱火擄掠臣等當飭水  
營實力戒備先固江防並派總兵田宗揚帶領

馬步各隊相機進剿該總兵率領馬隊直至孩  
溪羣逆遙見官軍逡巡引退獨有黃衣逆賊率  
黨回鬪于總龔大興揮刀立決其首餘逆驚駭  
狂奔馬隊分翼包抄盡殲醜類復由北呂村一  
路追剿直至陴城該處距鎮祇六十餘里田宗  
揚因西南一帶屯有重賊未便懸軍深入卽整  
旅回防臣等思此番逆賊分道犯鎮非審度萬

全未可浪戰現宜先固根本慎密籌防俟其臨  
近而痛勦之以逸待勞庶不致稍有疏虞奏入  
上命議政王軍機大臣傳諭馮子材魁玉曰鎮營以  
有限之兵當逆賊六七萬衆其勢不可以浪戰該  
提督等堅守孤城有年自必洞悉形勢現飭水營  
先固江防並派總兵田宗揚等將東路羣逆殲除  
西南一帶因有重賊未卽深入俟其臨近而痛勦

之進止頗合機宜嗣後該提督等仍當竭力固守  
雖賊衆紛乘總示以不可動搖之勢以固要區如  
鎮城稍有疏失必惟該提督等是問

十九日

丙寅

曾國藩彭玉麟奏言據報竄聚巢縣

之賊分撲西梁山經官軍勦退後遂踞運漕銅  
城橋東關各隘臣國藩所調之蕭慶衍毛有銘  
兩軍先後馳至議以毛有銘所部嚴備巢縣東

關之賊蕭慶衍所部專攻運漕銅城牖之賊臣  
玉麟令定湘營師船駛抵運漕上游會同蕭慶  
衍陸師過河築寨未及盡濟該鎮踞賊糾股突  
出我軍在水次然礮仰轟殲斃頗衆一面令三  
板數號接渡後濟之軍毛有銘正帶馬隊渡黃  
落河間運漕礮聲飛騎助戰賊知不敵敗退歸  
巢我營修築旣成臣玉麟飭曾泗美等向運漕

自上攻下親督成發翔等向三汊河自下攻上  
戰不兩時遂斷浮橋悉焚卡壘賊之撻刃墜河  
死者無算臣玉麟自三汊河引軍西上知大馬  
頭一橋二壘亦就毀平蕭慶衍督率馬步等營  
四面縱火斬隘直入立復運漕一鎮毛有銘復  
督親兵馬隊出哨東關見賊對河列陣正與曾  
泗美往來拒敵急派湘右營渡河夾擊斬賊二



占與諸弁勇左右馳突裏入垓心胡得勝陳東  
祥謝濟傅呂鴻榜李春生等力戰死之彭星占  
憤怒填臆負傷決戰手刃數賊並歿於陣毛有  
銘飛飭湘中等營併擊賊漸解退比見劉義勝  
匹馬衝入中槍而殞該逆仍復回戈轉鬪且卻  
且前各軍以擡礮猛擊斃賊前鋒數百人乘賊  
隊散亂之際遂奪獲彭星占屍骸而還其銅城



牖之賊於要衝築四卡以阻我陸師又築一水  
卡以阻我舟師 臣 玉麟飭令喻俊明成發翔等  
攻破水旱諸卡隨結小划爲橋渡過陸師全隊  
蕭慶衍令趙太和等分攻賊壘仍自率中左營  
爲各路策應天甫向曙諸道並進賊正欲出壘  
迎拒我軍已環偪濠邊火器飛擲衆勇於烈燄  
中躍過濠溝摩肩而上一壘旣破各壘盡亂駢

戮盈千並斬文姓黃姓諸酋水師亦分隊連毀  
沿隄數卡乘勢進取岷山岡逆壘賊皆惶遽失  
措踰牆欲遁蕭慶衍揮軍直進立焚二壘擒斬  
尤多遂繞出銅城牖後奮攻石壘臣等查賊在  
巢縣廣聚悍黨踞守數隘意在分竄皖北郡縣  
冀解金陵之圍此次克復運漕進規銅城牖苦  
戰兩日尙屬得手惜蕭慶衍毛有銘兩軍不滿

八千人兵單賊衆未能遽行掃蕩現飭諸軍堅  
守各隘俟春水稍漲再行水陸會剿恢復要區  
所有在事出力人員擬請酌保數員總兵彭星  
占數年征勦嚴明勇敢艱險不辭臨陣捐軀深  
堪憫惻應請照總兵立功後陣亡例從優

賜卹其餘陣亡員弁並請

飭部各照本職從優議卹

會國藩又奏言青陽賊衆聞朱品隆一軍趕到池州卽遁歸石埭十二月二十五日官軍將青陽縣城收復賊糾大股六七萬衆窺犯涇縣繞城築壘分踞黃村大坑一帶涇城守將易開俊等擊退撲城之賊鮑超自甯國疾馳九十里引軍來援會攻附城賊壘連破二十餘座乘勝進兵黃村又毀十數壘斬馘盈萬立解涇縣之圍

而羣賊已屬集寒亭清弋江等處勢將圍撲營  
盤計日內必有數次大戰北岸之賊分踞和含  
等處守禦甚堅據搜獲僞文稱僞忠王現赴蘇  
州因常熟賊目周興隆等投誠忠逆調集羣賊  
圍攻常熟不久卽率二十萬衆再犯江北下擾  
揚州上窺皖楚等語雖未必果有其事而該逆  
銳意竄擾大江以北殊可深慮

曾國藩又奏言臣接奉

諭旨詢問知府曾貞幹擊退援賊後紮營何處查臣弟貞幹秉質愚蒙持躬介特爲諸生時不甚肄習舉業頗究心技擊之法咸豐三年帶勇六百人隨臣勦賊旋以臣父年高回籍侍親八年十月因胞兄國華殉難三河荷蒙

文宗顯皇帝屢降諭旨褒卹有加痛哭發憤誓出殺賊

集賢堂之既免三十三  
三十一  
以雪兄仇而報

國恩年來會克太湖潛山安慶蕪湖獨克繁昌南陵

疊蒙

天恩獎敘聞望漸隆而臣弟貞幹孤懷鬱抑耿耿若不自得常思別樹一幟建立奇功以分

聖主宵旰之憂一洗軍營因循之習上年秋閒遭疾羣勸出營調養適以援賊大至力疾督戰精神

遠振日夜不倦臣方幸其病後耐勞或者別立  
尺寸之功一償平生之願不料其中道隕折齎  
志長終臣位高德薄殃及手足慟惜之餘彌增  
悚歉而

聖主優詔褒卹若深鑒臣弟未白之衷而曲體臣難  
言之隱此尤臣所闔門感激存歿霑戴者也奏  
八



上命議政王軍機大臣傳諭曾國藩都興阿富明阿  
李鴻章曰竄踞巢縣之賊分撥悍黨踞守數隘意  
圖牽掣官軍不克進規金陵該逆詭謀百出亟須  
將皖北踞匪次第掃除然後會師金陵可期得手  
現在運漕克復水師計可乘勝進攻著曾國藩嚴  
飭諸軍進取銅城牯要隘乘此春水方生水陸並  
進圍攻巢縣力拔堅城其和含等處逆匪踞守甚

固並著權衡緩急相機進取毋令乘隙他竄青陽  
縣城業經收復朱品隆一軍已抵池州軍威益振  
圍撲涇縣之賊亦經鮑超率師來援會同易開俊  
等立解城圍賊匪屬集寒亭清弋江等處鮑超謀  
勇素裕著曾國藩飭令嚴密戒備毋爲該匪所乘  
曾國藩搜獲僞文知僞忠逆調集羣賊圍攻常熟  
擬率二十萬衆再犯江北下竄揚州上竄皖楚著

會國藩都興阿富明阿等於江面各要隘豫爲防  
範嚴密守禦以備不虞該逆既有上窺皖楚之說  
亦不可不先事籌防並著會國藩迅卽咨會官文  
等妥爲布置勿令逆蹤上竄掣動大局並著李鴻  
章速飭各軍進取太倉援應常昭俾該逆回顧蘇  
常巢穴不暇徑趨江北方爲妥善曾貞幹戰功卓  
著朝廷方期大用前以力疾督戰病故深爲惋惜

特加優卹嗣又據李鴻章詳敘該員戰績入奏復加恩照二品例議卹並准予諡於本籍及死事地方建立專祠仍宣付史館立傳諒該大臣手足之痛藉可稍慰

上諭內閣曰此次官軍攻克運漕鎮後分道進攻銅城牆等處獲勝在事出力員弁著准其酌保數員候旨施恩陣亡之總兵彭星占著照總兵立功後

陣亡例從優賜卹守備胡得勝劉義盛陳東祥千  
總謝濟偁把總呂鴻榜外委李春生均著交部各  
照本職從優議卹

欽定勦平粵匪方略卷三百三十三 癸亥年

二月初一日 丁丑 耆齡奏言十二月初八日浙江

藩司蔣益澧約會知府康國器進攻湯溪康國器派參將吳光亮等進攻湯城南面都司林本會合浙師進攻東門賊壘並令千總鄧朝貴等於黃壁隴一帶設伏林珠嚴防上盛堵截援賊吳光亮等率隊攜帶雲梯草束直抵南門填濠

環攻而城高礮烈未能猝拔時林本協同蔣益  
澧各軍將賊營梅花椿竹籤悉行砍拔逼近壘  
門轟擊吳光亮等見浙師與林本所部悉力攻  
壘遂分隊馳赴東門協助斃匪不計其數逆首  
僞戴王等因未能解湯溪之圍復添集蘭谿等  
縣匪黨萬餘於十二日晚在黃大嶺並開化等  
村築壘十餘座距我營僅十餘里蔣益澧康國

器與浙江臬司劉典會商分路進剿十四日蔣  
益澧劉典康國器會吳光亮等派隊分進古捷  
芳率勇爲後隊策應行抵蔣塘逆衆萬餘出拒  
我軍三路夾擊匪衆敗走追至黃大嶺復敗之  
直抵開化該處悍賊數萬彘擁而來內有花旗  
一股尤爲兇悍吳光亮首先率隊迎擊林木康  
熊飛督勇繼進賊死鬪不退古捷芳等突山奮



擊斃賊無數賊始卻走各軍合力掩殺伏屍徧地其總兵林文察一軍進攻武義自埽蕩嶺下賊壘後王村徐村之賊亦退往三角辰圍村築壘截我進兵之路林文察令勇首林其中等帶隊會合民團潛往襲劫斃賊多名二十七日武義城賊千餘人竄至後樹嶺意在邀我歸路復經兵團擊退是後屢赴城下誘戰該逆堅伏不

出於東門外潛谿地方添設賊卡林文察密令  
遊擊李朝安督兵行至潛谿斬柵衝入各逆奔  
逃當斃賊匪數十名臣查湯溪賊勢已窮恃有  
金華逆援尙盤踞開化一帶伺隙思逞近來官  
軍連獲勝仗探得該逆意圖分竄遂昌宣平以  
犯溫處臣卽飭各兵分守湯溪之蘭背源銀嶺  
遂昌之北界湖扼截該逆內竄之路並諄飭總

兵周萬遠等嚴防松陽宣平一帶林文察一軍  
卽令以勦爲防力禦逆衆由武義內竄之路但  
處郡居萬山之中僻徑歧途到處通達實有防  
不勝防之患惟有嚴督各軍視賊所向截擊追  
勦並與撫臣左宗棠合力籌畫遏其內竄以保  
完善把總鄔勝高外委周逆鏐奮勇攻勦中敵  
陣亡應請

飭部從優議卹

耆齡又奏言正月初九日僞梯王率黨數千人  
猛撲上盛冀圖衝開上盛等處救出湯城因匪  
經林珠力擊敗退旋據探報湯溪城賊援絕勢  
窮有僞朝將彭禹蘭潛赴浙江藩司蔣益澧軍  
中乞降願爲內應蔣益澧隨約會知府康國器  
統領各營於十一日丑刻克復湯溪縣城逆渠

僞天將李尙揚等均已就獲又據探報龍游縣城於十二日經浙江撫臣左宗棠督軍攻克蘭谿縣城經浙江臬司劉典等統軍往剿於正月十二日克復敗匪遁往金華臣現飭各將士乘此聲威奮力進剿以期蕩平浙境

同日左宗棠奏言湯溪踞逆窮蹙益甚蔣益澧於城外加掘重濠疊次擊敗金華援賊時復射

示城中曉以禍福賊目彭禹蘭遂於正月初九日遣人詣蔣益澧軍前乞降蔣益澧隨令副將劉樹元等約令於初十日將賊目李尙揚等八名誘至濠邊劉樹元等出其不意擒解回營蔣益澧見巨寇就縛乘夜飛飭各營分攻城壘自率親兵於西門策應並商令康國器率閩軍攻南門彭禹蘭見官軍大至遂啟西門徐文秀匹

馬衝入劉清亮等繼之該逆無路奔逃併力巷戰約斃賊三千餘名適余朝貴等亦率所部梯城而入又斃賊二千餘名康國器復督閩軍於南門擊之又斃賊四千餘人城中之賊幾盡其東門壘中之賊見城破火起卽棄壘驚竄被高連陞等分投截殺淨盡當將城壘攻克時已天明蔣益澧飭高連陞等卽率各營乘勝進擊援

賊逆首僞戴王黃呈忠等正思逃竄見官軍大  
隊擁至齊向金華府一帶狂奔官軍乘勢掩殺  
斃賊二千餘名自酤坊開化村至白龍橋等處  
賊壘數十座一律焚燬龍游踞逆負嵎已久除  
夕四更有賊數千出撲東門劉培元飭官軍憑  
壘轟擊斃賊約數百名侵曉乃遁是後官軍分  
路攻剿屢有斬擒其難民逃出者日以數十計



臣知城賊將遁復令王德榜於城南移築三小壘偪之賊意官軍盡趨東南忽山悍黨千餘撲西路營盤參將余珮玉督兵奮擊斃賊約數百名賊敗入城是夜城中之賊自相鬪人聲鼎沸初十十一兩日城賊舁其輜重出屯城外壘中諸營知其必竄調察益嚴臣復射示城中諭以湯溪已克李尙揚已擒之故十二日酉刻賊

乘月啟東門向湯溪大路竄赴金華臣先飭劉  
培元派定水陸馬步分路截擊並飛飭蔣益澧  
康國器等整軍以待是時劉培元等各率所部  
入城將餘逆剿盡一面整隊跟追斃賊約近萬  
餘沿途棄械逃散者不計其數十三日卯刻追  
近湯溪縣城蔣益澧康國器等又邀擊之斃賊數  
千高連陞熊建益復派隊邀之逃賊鮮有脫者

賊目李學金羅萬及梁雲摩俱爲高連陞擒獲  
龍游一城五壘之賊無一漏網至蘭谿之賊經  
劉典擊敗後先已分竄浦江城賊無多劉典飭  
黃少春等各營會同水師進剿斃賊五六百名  
卽將縣城克復臣見三城已復正擬南取永康  
武義北取浦江爲進擣金華之計適接蔣益澧  
函報高連陞熊建益進紮白龍橋賊首黃呈忠

等奪路他竄金華府城踞逆於十二日率黨由東門逸高連陞等乘勢奪門而入殺賊約二千人立將府城克復查金華府城最得地勢攻取之難十倍他郡此次乘勝而克實非臣意料所及其李尙揚一犯與賊首蕭潮潰李侍夔等爲死黨擁衆至十數萬李侍夔赴溧陽倚其固守金華爲老巢密囑其以龍蘭湯三城爲犄角嚴

集賢門外四卷三十三  
處爲爪牙力抗大軍情形兇狡臣訊明後卽寸  
磔之此次三日之內連克府縣四堅城布政使  
蔣益澧功績卓著應請

旨獎敘其餘尤爲出力文武員弁懇

恩一併獎勵以昭激勸均奏入

上命議政王軍機大臣傳諭耆齡左宗棠曰金華等  
府縣四城地據上游最爲扼要且爲大股賊匪屯

聚之所現已同時攻拔賊之精銳亦爲官軍殲盡  
下游杭紹諸逆自必聞而喪膽者齡左宗棠務當  
乘此破竹之勢會督閩浙諸軍星夜進搗杭州爲  
一鼓殲除之計一面分軍規取永康武義以清後  
路並嚴飭浙東兵勇迅速攻拔紹郡及所屬各縣  
城以期節節進剿爲四面合圍杭城之舉毋稍延  
誤

上諭內閣曰金華等處逆賊負嵎已久此次官軍連克四城生擒首逆洵足以寒賊膽而快人心左宗棠調度有方深堪嘉尚仍著督飭各軍節節進剿盡殲醜類浙江布政使蔣益澧戰功卓著著賞給小卷江綢袍料一件江綢馬褂料一件白玉翎管一枝白玉搬指一箇大荷包一對小荷包兩箇並交部從優議敘其尤爲山力之總兵高連陞著以

提督交軍機處記名遇缺提奏副將熊建益著以  
總兵記名簡放總兵劉培元著賞給銳勇巴圖魯  
名號並賞加提督銜已革按察使銜卽選道王德  
榜著開復革職處分留於浙江補用並賞給該員  
父母二品封典知府康國器著以道員仍歸江西  
補用者齡奏把總鄔勝高外委周進鏐剿賊陣亡  
深堪憫惻著交部從優議卹



皇朝通志卷之三十三  
一  
左宗棠又奏言 臣恭閱邸抄欽奉

諭旨以高連陞補授廣西左江鎮總兵查高連陞自  
隨蔣益澧抵浙以來克復壽昌湯溪金華三城  
樸誠奮勇實爲將領中不可多得之員現值浙  
省軍務方殷需材孔亟應請仍留浙江軍營隨  
同蔣益澧勦賊以資得力俟浙江全境肅清再  
赴新任奏入

上從之

初二日

戊寅

吳棠奏言接提臣李世忠報稱僞忠

王糾衆號稱二十萬陸續渡江今已四日聲稱

上接和含之賊並分股徑向東竄等語查髮逆

渡江則天六一帶徑途四達北面蔣壩三河及

高寶湖之險足資扼截臣飛飭在防之總兵安

勇道員蔡覲龍等嚴密防範並添派副將蔡覲

賢等礮船參將朱光庭等步隊馳防觀音寺派  
遊擊程錫姜馳防蔣壩又派直隸州知州楊寶  
昌礮船駛防蔣壩越河頭並札飭防湖之遊擊  
梁桂芳等礮船嚴防高寶湖而並上顧衡陽三  
河一帶臣所部兵力本單除派赴東境會剿並  
駐邳宿等處防河各隊外現將存兵儘數調撥  
以顧南路惟有竭力支持不敢稍涉大意奏入

上命議政王軍機大臣傳諭都興阿富明阿曰據吳棠奏僞忠王糾衆號稱二十萬陸續渡江聲稱上接和含之賊並分股東竄等情前據都興阿奏稱護賀齊三逆均抵金陵號稱五十萬實數確有二十萬衆有由下關渡九洲竄撲儀揚從邵伯直撲裏下河之信此時僞忠王糾合大股陸續渡江四日之久尙未畢渡其人數之多已可概見都興

阿等於上下游分設統領四員派定地方各專責成布置尙屬周密富明阿親往沿江察看聲勢亦極聯絡此次賊數雖衆該將軍諒能嚴密防剿以逸待勞惟該逆垂涎裏下河完善之區蓄謀已久現在悉衆東趨其勢甚銳都興阿等務當嚴飭水陸各營加意防範先固藩籬然後乘間挫其兇鋒擊其惰歸不得稍有疏虞致令掣動全局前次派

援金陵大營之楊心純等軍並著趕緊調回以厚  
兵力至江陰等處逆匪前據都興阿奏有分竄江  
北之意並聞打造鐵練麻繩等物爲暗設地網之  
用都興阿已派馬隊翼長杜嘎爾親帶各營練卒  
詳察各路形勢豫籌破敵之策現在各該處賊情  
若何杜嘎爾操練兵勇已否爛熟並著隨時具奏  
同日李鴻章奏言十二月二十七日程學啟率

兵進攻太倉由西路進行至盤龍鎮遇崑山援賊揮兵接戰副將宋有勝等各帶隊伍往來衝殺斬擒數百名逆匪敗回崑城我軍卽在蟠龍鎮紮住李鶴章令總兵郭松林率兵由南路進行抵南馬頭該逆憑河築壘以拒我師郭松林督兵開礮斃賊百餘名乘勝渡河斬關直入該逆紛紛敗入城中我軍卽據其壘東北兩門之

賊復行出撲李鶴章飛調況文榜等向前堵禦  
賊卽退回二十八日程學啟率隊扼堵西南援  
賊來路李鶴章督率各兵攻其南門轟塌城牆  
數丈我軍渡過浮橋攀城直上城內伏賊千餘  
死抵缺口槍礮如雨又值浮橋驟斷後隊不能  
接應以致仍復退下賊復從西南兩門出撲李  
鶴章飭周壽昌等迎拒西門之賊郭松林迎拒



南門之賊自率親兵小隊扼堵河面添搭浮橋  
一道奮力接戰該逆敗退入城我軍仍回望仙  
橋駐紮是夜程學啟復率七營馳赴西門挑戰  
城賊堅伏不出旋探有大股賊衆萬餘自崑山  
竄至蓬萊鎮等處欲抄襲官軍後路正月初二  
日郭松林派兵扼紮新造橋自督四營進徧蓬  
萊鎮之右程學啟派兵攻其左而自督兵由中

路直攻蓬萊鎮三路夾擊一鼓而前該逆猝不  
及防相率潰逃各軍追至青陽港共殺賊三百  
餘人生擒數十名其派赴福山之常勝軍於十  
二月二十四日駛抵福山次日渡至河東以江  
邊大廟爲老營沙划等船均泊廟後賊分三路  
來撲我兵分投迎敵賊勢不支退入河西老營  
二十六日黃翼升統淮揚水師及總兵鞠耀乾

等各船齊抵福山派隊登岸會合常勝軍分路  
進勦焚燬賊卡二座圍攻河西賊營該逆憑牆  
開礮不肯出戰我軍數次攻撲未能得手臣查  
進圖太倉分勦福山無非爲節節打通救應常  
昭起見乃太城賊援甚衆各軍未能驟進福山  
賊壘甚堅孤軍又難深入頃聞逆衆數萬四面  
圍攻常城月餘不退忠逆李秀城復由蘇州添

賊萬餘礮船二百餘隻晝夜轟擊業將大北門  
外營盤攻陷西門外兩營亦相繼踏破孤城危  
險臣無路能援徒深焦慮復調駐防浦東之道  
員潘鼎新副將劉銘傳參將張樹珊等抽帶三  
千陸軍由海道繞赴福山會合黃翼升等師船  
相機進擊臣營兵力本單乃事機所值勢難忽  
然惟有竭力籌援以圖進取奏入

上命議政王軍機大臣傳諭李鴻章曰太倉州爲常  
昭門戶李鴻章進攻太倉原爲救應常昭起見而  
賊援踵至官軍連日進攻尙難得手著李鴻章密  
飭李鶴章郭松林等堅守營壘毋爲該逆所乘仍  
責令程學啟等遏截崑山援賊俾官軍得以併力  
太城相機進取常昭城外營盤攻陷孤城岌岌可  
危李鴻章派潘鼎新等酌帶陸勇三千繞赴福山

援勦著卽飛飭黃翼升星速前進會同潘鼎新等  
攻取福山要隘藉通常昭消息毋得推諉浦東西  
防守緊要李鴻章所部業已分赴太倉福山等處  
後路不免空虛該撫仍當妥籌兼顧俾松滬各營  
一律穩固

初四日

庚辰

都興阿富明阿奏言忠逆調集常州

丹陽一帶各逆號稱數十萬麕集下關中關等

處欲分股渡江以一股上竄和含以一股下擾  
儀揚勢極兇悍自正月初十日以後晝夜竄渡  
十三日逆船風色不順當經駐防浦口副將馬  
步雲等挑選得力礮划十數隻冒險迎剿正值  
賊船因風費力我軍一擁而上奪獲逆船四隻  
擒斬數十名擊壞賊船甚多該逆因我軍截擊  
大半皆於黑夜乘閒偷渡已有三萬餘人僞護

王於十八日帶領二萬餘賊繞越江浦上竄安  
省現有數千餘賊在九洲之下紮營聲言俟  
後隊到齊由僞忠王帶領下竄儀揚又據駐紮  
泰興副將劉成元稟稱過船港七圩港等處皆  
有髮逆自數十名至百餘名不等惟四墩子土  
橋有數千之多迨經盤詰均稱難民並來往船  
隻間有槍礮等語臣飛飭劉成元派兵分往彈



壓一而通飭水師各營嚴禁並飭各地方官將  
此項難民查察安撫使奸匪無從溷跡並飭吳  
全美親帶師船下駐江靖一帶禁止北渡商民  
各船正當分投調撥兵力不敷之際據曾國基  
將赴援兵勇撥回原防於正月十五日到營並  
據曾國基函稱現在鮑超一軍涇縣大捷總兵  
朱品隆可由青陽助剿如能抽出王可陞及劉

連捷兩軍以應北岸之急則大有裨益現已函  
商鮑超斟酌辦理奏入

上命議政王軍機大臣傳諭曾國藩都興阿富明阿  
吳棠曰忠逆銳意東竄都興阿富明阿務須飭令  
水陸各將弁晝夜嚴防無稍疏懈如逆蹤徑犯儀  
揚該將軍等以逸待勞定能出奇制勝四墩子等  
處髮逆稱係難民甚屬可疑何不令其趕緊薙髮

設法安置且既係難民何以來往船隻間有槍礮  
必須嚴爲盤詰如係假託難民卽當認真搜捕使  
逆賊聞而膽寒鮑超等軍旣已得手上游賊勢較  
鬆如能抽出王可陞及劉連捷兩軍赴北岸助剿  
自更得力著曾國藩籌酌迅調該逆渡江後如分  
竄各處則力單易制若合併一處卽著就近抽撥  
兵勇以全力應之不得稍有疏失蔣壩衡陽等處

著吳棠督兵實力防範勿稍大意

同日駱秉章奏查石逆此次回竄敘南銳意  
欲渡金沙江經臣調派總兵唐友耕等暨張亮  
基所派之參將楊發貴等嚴密防堵該逆無隙  
可乘遂於橫江左右聚集悍黨數萬夾河爲壘  
中搭浮橋以通往來石逆擁衆自踞雙龍場以  
爲後應捧印村張窩等處皆徧紮賊壘以爲持

久之計臣當飭臬司劉嶽昭統兵攻雙龍場並  
令提督胡中和等軍分道進逼距賊二三里安  
營十一月十九日賊分三路來撲胡中和營盤  
我軍堅壁靜守俟賊銳氣稍衰胡中和開壁出  
擊並飛調守備曾鳳鳴帶練截賊之後賊殊死  
鬪遊擊胡萬浦首先陷陣手刃賊目二人悍賊  
數名伏賊先潰胡中和親督各營乘之賊不能

支蕭慶高等先已督隊由穿牛鼻等處直搗橫江賊巢賊憑卡死拒適胡中和追賊至此遂前後夾擊斃賊一千餘名其丁水寨筆架山兩處賊卡亦經劉嶽昭攻破十二月初五初九兩日又將巡司場新場竄出之賊勦殺殆盡石逆知我軍漸逼乃於雙龍場增賊營二十餘座橫江雙龍場兩處賊壘林立卡堅路險未能急攻劉

嶽昭探知賊目郭集益等有投誠之意乃草檄  
交守備劉節高等潛入賊營諭以自新郭集益  
等歃血獻書願爲內應適胡中和等探得橫江  
山後有小徑可通賊巢此路賊防稍懈遂與劉  
嶽昭於十二日同時並舉是日蕭慶高何勝必  
分道而進直抵橫江賊卡之前與賊正相持間  
蕭慶泗等將東嶽廟賊營放火延燒鍾玉勝復

以大礮將油房鎮賊卡轟裂我軍見兩處得手  
同時奮勇直前連破賊卡二十餘處胡中和復  
帶各營由山後小徑破卡而入該逆腹背受敵  
伏牆死拒總兵劉景春發火燒其輜重我軍四  
面突入賊衆冒煙驚竄共斃賊五六千人內有  
賊目數十名敗賊沿岸狂奔我軍乘勢奪橋將  
橫江西岸賊巢焚燬兩岸敗竄之賊墮河淹斃



及乘間逃散者約計數萬我軍合隊跟追見場  
後山腰尙有賊壘一座內皆精悍老賊胡中和  
等遂分軍追賊親督三營圍攻當路賊壘約及  
三時之久賊中鉛丸將盡繼以鍋鐵碎石總兵  
唐應聘摩壘先登右肩左腹連中槍傷殊不少  
卻各勇大呼齊上始將賊壘攻破斬馘一千餘  
名維時蕭慶高何勝必並將唐家坡等處賊壘

節節掃蕩追至張窩復將該處賊壘六座平毀  
統計橫江兩岸攻拔賊卡三十餘處踏破賊壘  
二十餘座前後斃賊二萬餘人生擒二千七百  
餘名是日劉嶽昭分軍進攻雙龍場遙聞賊營  
紛呶不定火光驟起知有內變卽督隊分路攻  
撲賊已自亂我軍乘勢立破其營二十餘座前  
約內應之郭集益等各率願降之衆自內投出

適會紀鳳等由賊後抄殺而來前後奮擊殺賊  
無數並將捧印村賊巢踏毀統計是役破賊壘  
二十餘座斃賊一萬五千餘名陣斬僞都督等  
四十餘名橫江西岸敗竄之賊奔至會儀溪新  
灘溪一帶與屏山一江之隔唐友耕等恐賊乘  
間偷渡循岸周防十二日夜果有賊匪竄渡立  
被遊擊唐大有擊退次日遙見對岸火光唐友

耕卽派唐大有督兵渡江設伏並令涂開科帶  
勇直前誘敵該逆見我軍甫渡蟻擁來撲我軍  
伏兵突起賊首尾不顧落水及被礮斃者一千  
餘名現據劉嶽昭馳報石逆率餘黨向燕子灘  
渡過橫河我軍擊其半渡斃賊千餘餘皆遁入  
滇境查石逆盤踞敘南時圖搶渡金沙江肆擾  
腹地經唐友耕等力遏兇鋒該逆迄不得逞惟

此寇一日未滅一日不忘注意川疆度其詭謀  
或將由巧家廳以窺甯遠或復竄會儀溪一帶  
冀從屏山雷波渡金沙江或暫時鼠伏滇邊僞  
作向東川之勢誘我撤兵遠顧遂乘虛回竄敘  
南使我不及援應查敘郡西至甯遠紆折二千  
餘里而滇境自大關走巧家廳旬日可至賊往  
來甚捷我軍兼顧萬不能及如徑入滇境跟蹤

追躡不惟軍行缺食裹糧維艱且虞道路紛歧  
兵由此往賊自彼來回援稍遲鞭長莫及儻被  
軼入腹地轉致滋蔓難圖是甯遠之援旣難稍  
緩而敘南之師不宜驟分臣再三籌度現飭唐  
友耕熊煥章兩軍仍嚴防安邊屏山而檄湘果  
果後各軍徑渡橫江西岸以爲追擊之兵卽截  
回竄之路另調總兵朱桂秋副將秦華祝帶兵

集之真圖乃民卷三十三  
三十三  
由雅州馳赴甯遠會同該處兵練相機迎剿庶  
我軍不至爲其牽掣而逆謀難以狡逞矣此次  
力戰陣亡之遊擊胡萬浦等均請

飭部從優議卹

同日前雲貴總督張亮基奏言查敘昭壤地相  
接雖髮逆志在窺蜀而賊分勢衆取徑不一滇  
境在在堪虞當飭雲南各府廳州縣一體設備

並飭署昭通鎮博昌知府夏廷楫速行堵剿復  
派遊擊馮世興等分駐大關廳等處要隘集團  
截擊旋又有另股髮匪由黔省之大定府闖入  
滇境直到東川臣飛飭該府黎新德等速集兵  
練堵剿十月二十八日該逆蠡擁撲城我軍奮  
力擊斃數百人餘匪分竄崇禮各鄉並攻撲巧  
家廳城黎新德等一面派練往援一而赴崇禮



各鄉進剿十一月初四等日我軍斃賊七八百人其竄踞蒙姑之匪被我軍擊敗截爲兩段前隊奔往橫山尾隊回撲郡城經我軍沿路殺斃千餘人遂會合橫山股匪奔往巧家廳江邊又經官兵殺斃二百餘人擊沈賊船五隻淹斃無算餘匪由沿江土司地面窮奔該處多與川省毗連臣飛咨四川督臣轉飭甯遠會理各府州

嚴加防範又敘屬橫江逆匪經駱秉章檄調劉  
嶽昭等督率諸軍圍剿賊勢不支由滇奔竄分  
股徑趨大關經遊擊馮世興擊退該逆由三洞  
上竄與欲東川合股經我軍擊斃數百人賊乃  
返奔川境又副官村所屬新灘地方亦有股匪  
四五千由橫江竄擾知縣熊夢松馳往堵禦  
賊卽繞襲副官村熊夢松等聞警回援殺賊百

餘名搜獲逆書一封知該逆意圖進取敘郡屏  
山副官村之賊欲由昭通渭林直抵回溪司造  
橋渡河是其蓄意回竄敘郡已可概見我軍會  
同四川湘果營總兵楊耀關兵勇克復副官村  
賊退馬村追殺二百餘人其分竄太平店等處  
之賊經我軍殺斃一千五百餘人拆毀兩處浮  
橋木城一座踏平賊壘三處奪獲馬匹器械無

數現在賊已窮蹙惟滇境山路歧出恐其由小路奔竄會合東川過河之賊防剿尤爲喫緊其東川餘匪在巧家廳者仍須趕緊殲除聞石逆現竄川滇交界之普洱渡銀廠壩一帶臣飛飭參將楊發貴率領精兵馳往圍拏並飭各員弁實力堵剿東川巧家廳等處賊巢以清邊境均奏入

上命議政王軍機大臣傳諭駱秉章潘鐸張亮基徐  
之銘曰石逆盤踞橫江雙龍場兩處蓄意搶渡金  
沙江此次經劉嶽昭等攻克該二處堅巢斬馘數  
萬洵足大振軍威惟前據駱秉章奏該逆由滇裹  
脅至十餘萬之衆現雖經此大挫紛竄滇境而張  
亮基奏賊仍返奔川境且據所獲逆書內稱各情  
是其蓄意渡江回竄敘郡已可概見駱秉章現派

令唐友耕等嚴扼安邊屏山檄湘果果後各軍徑  
渡橫江西岸追擊卽著飭令帶兵各員實力堵剿  
毋任回竄至該逆中旗一股前已竄至會理州之  
窪烏司等處此次竄滇之賊如由巧家廳接踵前  
往亦在意中總兵朱桂秋卽著飭令速赴甯遠會  
同該處兵練相機剿辦並著潘鐸張亮基徐之銘  
督飭帶兵員弁將竄入滇境之賊實力剿除並與

川軍會合夾擊石逆現竄踞何處並著略秉章等  
確探具奏前因敘南軍情緊要疊諭略秉章飭劉  
蓉前往督師何以該藩司仍未前往略秉章奏報  
亦無一語提及仍著飭令該藩司迅赴敘南相機  
調度毋稍遷延

上諭內閣曰此次官軍連克橫江雙龍場賊巢勦辦  
甚屬得手仍著跟蹤追勦毋留餘孽其陣亡之遊

擊胡萬浦涂鎮南守備李正才千總凌福勝王心  
田羅節光朱明貴賀榮發把總趙維賢都司胡東  
山守備羅輝四外委李盛龍遊擊胡得元守備匡  
惟喜外委王國祥都司秦龍鱗把總曹安貴都司  
卜修明千總劉正良熊永光把總毛元春外委張  
得貴李長青謝華且李七政胡友亮均著交部從  
優議卹